

ხელშეკრულება N 7

სახელმწიფო შესყიდვები შესახებ
(გამარტივებული შესყიდვა)
(მომსახურების შესყიდვა)

ზესტაფონი

27/იანვარი/2021წელი

ერთის მხრივ, ზესტაფონის მუნიციპალიტეტის მერია, წარმოდგენილი მისი მერის გიორგი გოგლიჩიძის სახით (მისამართი: ქ.ზესტაფონი წერეთლის ქ #11 (შემდგომში – შემსყიდველი) და მეორეს მხრივ შპს „კვირა“ წარმოდგენილი დირექტორის ქეთევან ხოსიტაშვილის სახით (მისამართი: თბილისი, აკ.წერეთლის ქ.N99) შემდგომში (მომწოდებელი), ვხელმძღვანელობთ რა საქართველოში მოქმედი კანონმდებლობით, მათ შორის სახელმწიფო შესყიდვების შესახებ კანონითა და ზესტაფონის მუნიციპალიტეტის მერიის ადმინისტრაციული სამსახურის პირველადი სტრუქტურული ერთეულის ხელმძღვანელის 25/01/2021 წლის N01-2221025364 მოხსენებითი ბარათის საფუძველზე ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებული ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) შემსყიდველ ორგანიზაციასა და გამარჯვებულს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტი და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 “ხელშეკრულების ღირებულება” – საერთო თანხა, რომელიც უნდა გადაიხადოს შემსყიდველმა ორგანიზაციამ შემსრულებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 “შემსყიდველი ორგანიზაცია” (შემდგომ “შემსყიდველი”) ორგანიზაცია (დაწესებულება), რომელიც ახორციელებს შესყიდვას;
- 1.4 “შემსრულებელი” პირი, რომელიც ახორციელებს წინამდებარე ხელშეკრულებით გათვალისწინებული მომსახურების მოწოდებას, სახელმწიფო შესყიდვის შესახებ მოცემული ხელშეკრულების ფარგლებში;
- 1.5 “დღე”, “კვირა”, “თვე” კალენდარულ დღე, კვირა, თვე.
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

მუხლი 2. ხელშეკრულების საგანი

2.1. ხელშეკრულების საგანია - ზესტაფონის მუნიციპალიტეტის მერიის ადგილობრივი ბიუჯეტის სახსრებით წინამდებარე ხელშეკრულებით გათვალისწინებული პირობების შესაბამისად მომსახურების შესყიდვა კლასიფიკატორის კოდით : 92400000(მონეტარული ზღვრების დაცვით)

მუხლი 3. შესყიდვის ობიექტი

3.1. შესყიდვის ობიექტია - მომსახურების შესყიდვა. კერძოდ მედიაჰოლდინგ „კვირას“: ვებგვერდზე www.kvira.ge შემდეგ სარეკლამო მომსახურების გაწევა:

ა) პორტალ „კვირას“ საკუთრებაში არსებულ ვებ-გვერდზე, ერთი თვის განმავლობაში ნიუსების და სიახლეების გავრცელება (თვეში არა უმეტეს 15 სიახლისა);

ბ) საინფორმაციო პორტალ „კვირა ჯი“-ს საიტის შუა ზოლში დამკვეთის მიერ მოწოდებული სარეკლამო ბანერის განთავსება;

გ) საიმიჯო სტატიების მომზადება;

დ) პრესის ლუბის უზრუნველყოფა;

მუხლი 4. ხელშეკრულების ღირებულება

4.1. ხელშეკრულების საინფორმაციო მომსახურების 1(ერთი) თვის საერთო ღირებულება შეადგენს 250 (ორას ორმოცდაათი) ლარს, დღგ-ს გარეშე, ხოლო ხელშეკრულების ჯამური ღირებულებაა 2750 (ორი ათას შვიდას ორმოცდაათი) ლარს, დღგ-ს გარეშე.

4.2. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4.3. წინამდებარე ხელშეკრულებით გათვალისწინებული მომსახურების გაწევა ხდება შემსყიდველი მოთხოვნის შესაბამისად და იმ შემთხვევაში თუ შემსყიდველი არ დაისაჭიროებს 2 750 ლარის მომსახურებას, მიმწოდებლის პრეტენზია არ გაითვალისწინება.

მუხლი 5. მხარეთა ვალდებულებები

5.1. შემსყიდველს ვალდებულია :

ა) უზრუნველყოს მომსახურების მიღება ხელშეკრულებით გათვალისწინებული პირობების დაცვით;

ბ) უზრუნველყოს ხელშეკრულების შესრულების კონტროლი;

გ) მოსთხოვოს მიმწოდებელს ხელშეკრულებით ნაკისრი ვალდებულებების კეთილსინდისიერი შესრულება;

დ) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

5.2. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) მიმწოდებლის მიერ ვალდებულებების შეუსრულებლობის ან არაჯეროვნად შესრულების შემთხვევაში მოსთხოვოს მიმწოდებლის ნაკლის აღმოფხვრა;

5.3. მიმწოდებელი ვალდებულია:

ა) დაიცვას ხელშეკრულებით გათვალისწინებული ყველა პირობა;

ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

გ) კეთილსინდისიერად შეასრულოს ხელშეკრულებით დაკისრებული ვალდებულებები.

დ) მიაწოდოს წინამდებარე ხელშეკრულებით გათვალისწინებული მომსახურება შემსყიდველს ხელშეკრულებით გათვალისწინებული პირობების შესაბამისად;

ე) თუ მიმწოდებლის ინიციატივით ვადაზე ადრე შეწყდება ხელშეკრულება შემსყიდველს დაუბრუნოს წინასწარ გადახდილი თანხა ფაქტიურად გაწეული მომსახურების ღირებულების გამოკლებით;

ზ) განიხილოს შემსყიდველი პრეტენზიების და მიაწოდოს წერილობითი მოტივირებული პასუხი ყველა წინამდებარე ხელშეკრულებით გათვალისწინებულ საკითხზე;

თ) კეთილსინდისიერად შეასრულოს წინამდებარე ხელშეკრულებით ნაკისრი ვალდებულებები;

5.4 მიმწოდებელი უფლებამოსილია:

ა) მოსთხოვოს შემსყიდველს მომსახურების ღირებულების ანაზღაურება წინამდებარე ხელშეკრულებით გათვალისწინებული ვადებისა და პირობების დაცვით;

მუხლი 6. მომსახურების ხარისხი, გარანტია და მიწოდების ადგილი

6.1. ხელშეკრულებით გათვალისწინებული მომსახურება უნდა იყოს ხარისხიანი, წუნის აღმოჩენის შემთხვევაში შემსრულებელმა უნდა აღმოფხვრას ის საკუთარი ხარჯებით.

6.2. მომსახურების მიწოდების ადგილი ზესტაფონი, წერეთლის ქუჩა N11;

6.3. მომსახურების მოწოდების ვადა - 2021 წლის 26 დეკემბრის ჩათვლით.

მუხლი 7. ხელშეკრულების შესრულების კონტროლი

7.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი შემსრულებლის მიერ ნაკისრი ვალდებულებების შესრულებაზე.

7.2. ინსპექტირებას განახორციელებენ ზესტაფონის მუნიციპალიტეტის მერის 2018 წლის 05 მარტის N 43/259 ბრძანებით შექმნილი ინსპექტირების ჯგუფი.

მუხლი 8. მიღება-ჩაბარების წესი

8.1. შესყიდვის ობიექტის მიღება ფორმდება მომსახურების შესრულების - აქტით, რომელიც დადასტურდება შემსყიდველისა და შემსრულებლის მიერ საამისოდ უფლებამოსილი წარმომადგენლების ხელმოწერებით.

მუხლი 9. ანგარიშსწორების ფორმა, გრაფიკი (ვადები)

9.1. შემსრულებელთან ანგარიშსწორება განხორციელდება ეროვნულ ვალუტაში - ლარებში.

9.2. მომსახურების ღირებულების ანაზღაურება მოხდება უნაღდო ანგარიშსწორებით.

9.3. ანგარიშსწორება მოხდება ფაქტიურად გაწეული მომსახურების მიღება-ჩაბარების აქტისა და ანგარიშ-ფაქტურის წარმოდგენიდან 10 (ათი) საბანკო დღის განმავლობაში.

მუხლი 10. ხელშეკრულების შესრულების შეფერხება და ცვლილებ(ებ)ის შეტანა

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ, მაგრამ სამუშაოს ან/და მომსახურების შესრულების ან/და საქონლის მიწოდების ვადის გასვლამდე არაუგვიანეს 10 დღისა უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, დაუყოვნებლივ, (10 დღიან ვადაში) უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

10.2. ნებისმიერი შეტყობინება, წერილობითი ფორმით, მხარეთა მიერ ხელმოწერილი უნდა გაეგზავნოს მეორე მხარეს და ჩაბარდეს მისამართზე, რომელიც მითითებულია ხელშეკრულებაში.

10.3. თუ რაიმე წინასწარ გაუთვალისწინებელი მიზეზის გამო, წარმოიშობა ხელშეკრულების პირობ(ებ)ის შეცვლის აუცილებლობა, ცვლილებ(ებ)ის შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია, ამ მუხლის „11.1.“ პუნქტის შესაბამისად.

10.4. ნებისმიერი ცვლილება წინამდებარე ხელშეკრულებაში განხორციელდება წერილობითი ფორმით, ორივე მხარის უფლებამოსილი წარმომადგენლების ხელმოწერებით.

10.5. ხელშეკრულების მხარის მიერ წინამდებარე ხელშეკრულებით ნაკისრი რომელიმე ვალდებულების დარღვევა არ ჩაითვლება ბრალეულ დარღვევად, თუ აღნიშნული ვალდებულების შესრულების მიზნით, განსახორციელებელი ქმედება სავალდებულოდ საჭიროებს რომელიმე ადმინისტრაციული ორგანოს მიერ ნებართვის, ლიცენზიის ან თანხმობის გაცემას, მაგრამ ადმინისტრაციული ორგანო არ ახდენს აღნიშნულზე ხელშეკრულების მხარის მოთხოვნის კანონმდებლობით დადგენილ ვადაში განხილვას ან უსაფუძვლოდ უარს ეტყვის ხელშეკრულების მხარეს ნებართვის, ლიცენზიის ან თანხმობის გაცემაზე;

10.6. წინამდებარე მუხლი არ მოიცავს ფორსმაჟორულ გარემოებებს და მათი რეგულირება ხდება სხვა მუხლით.

მუხლი 11.. ხელშეკრულების პირობების შეუსრულებლობა (ხელშეკრულების შეწყვეტა)

11.1. ხელშეკრულებით განსაზღვრული პირობების დარღვევის შემთხვევაში ან ვადის გადაცილების შემთხვევაში მხარეებს ეკისრებათ პირგასამტეხლო ყოველ ვადაგადაცილებულ დღეზე ჯამური ღირებულების 0,02 % ოდენობით.

11.2. წინამდებარე ხელშეკრულება შეიძლება შეწყდეს:

ა) მხარეთა წერილობითი შეთანხმების საფუძველზე.

11.2.1. ხელშეკრულება ვადამდე ადრე შეიძლება შეწყდეს:

ა) იმ შემთხვევაში, თუ შემსრულებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 (სამ) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს შემსრულებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

ა.ბ) პირგასამტეხლოს გადახდა არ ათავისუფლებს შემსრულებელს ძირითადი ვალდებულებების შესრულებისაგან.

ა.გ.) შემსრულებელი ვიდრე არ აანაზღაურებს პირგასამტეხლოს, შემსყიდველს უფლება აქვს დააკავოს აღნიშნული თანხა და პირდაპირ მიმართოს მუნიციპალიტეტის ბიუჯეტში.

ბ) შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ შემსრულებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას.

გ) მოქმედი კანონმდებლობით დადგენილ სხვა შემთხვევებში.

11.3. შემსრულებელი, ხელშეკრულების ცალმხრივად შეწყვეტის შემთხვევაში გადაიხდის ჯარიმას, ხელშეკრულებით გათვალისწინებული თანხის 20(ოცი)%-ის ოდენობით.

მუხლი 12. ხელშეკრულების მოქმედების ვადა

12.1. ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან 2022 წლის 26 იანვრის ჩათვლით.

მუხლი 13. ხელშეკრულების პირობების გადასინჯვის შესაძლებლობა

13.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ასეთ შემთხვევებში ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

მუხლი 14. დაუძლეველი ძალა (ფორს-მაჟორი)

14.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

14.2 მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

მუხლი 15. დავები და მათი გადაწყვეტის წესი

15.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

15.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

მუხლი 16. სხვა პირობები

16.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.3. ხელშეკრულება შედგენილია ქართულ ენაზე, 02 (ორი) ეგზემპლარად, რომელსაც აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მუხლი 17. მხარეთა იურიდიული მისამართები, რეკვიზიტები, ხელმოწერები

შემსყიდველი:

ზესტაფონის მუნიციპალიტეტის მერია

მერი

გიორგი გოგლიჩიძე



სახელმწიფო ხაზინა-TRESGE22

ხაზინის ერთიანი ანგარიში 3001900000

ს/კოდი: 230087045

მის: ქ. ზესტაფონი, წერეთლის ქ. N11

ტელ: 0(492) 25 26 26

მიმწოდებელი:

შპს „კვირა“

დირექტორი: ქეთევან ხოსიტაშვილი

სს საქართველოს ბანკი“

ბანკის კოდი: BAGAGGE22

ა./ა № GE20BG00000000669305300

ს/კოდი:406178283

მის: თბილისი, აკ.წერეთლის ქN99, 849

ტელ:597 58 01 54

ხელწერილი ინტერესთა კონფლიქტის არ არსებობის შესახებ

2021 წლის 27 იანვარი

ზესტაფონის მუნიციპალიტეტის მერი და ზესტაფონის მუნიციპალიტეტის მერის 2018 წლის 05 მარტის #43 259 ბრძანებით შექმნილი ინსპექტირების ჯგუფის წევრები ვადასტურებთ, რომ „სახელმწიფო შესყიდვების შესახებ“ საქართველოს კანონის მე-8 მუხლის პირველი პუნქტის „ე“ ქვეპუნქტის თანახმად, მედიაჰოლდინგ „კვირას“: ვებგვერზე www.kvira.ge სარეკლამო მომსახურების გაწევის შესყიდვასთან დაკავშირებით არ ვიმყოფებით ინტერესთა კონფლიქტში შპს „კვირა“-ს დირექტორთან ქეთევან ხოსიტაშვილთან.

ზესტაფონის მუნიციპალიტეტის მერი

გიორგი გოგლიჩიძე

1. ოლეგი ჭანკოტაძე - (სამუშაო ჯგუფის ხელმძღვანელი)

2. ალექსანდრე აბაშიძე - (სამუშაო ჯგუფის წევრი)

3. თემურ ფერაძე - (სამუშაო ჯგუფის წევრი)

4. სოფიო კოპალიანი-კობახიძე - (სამუშაო ჯგუფის წევრი)

5. ლაშა გოგოლაშვილი - (სამუშაო ჯგუფის დროებითი წევრი)